

第一百三十六冊

卷二百五十六

列女傳 十八

卷二百五十七

寓賢傳 一

新纂雲南通志

盧漢題

纂



新纂雲南通志卷二百五十六

列女傳十八

武定直隸州

明

李氏女和曲人年十八許字張節未于歸張卒誓不改字嘉靖七年鳳酋之亂途遇一男子執其手即以刀斷指而死今東郭外有旌節

碑記

康熙志

道光志案武定府志作李
臻康熙志作李臻枝女

李含英女名五娘和曲人志在養母不適人鳳酋之亂刎頸死

康熙志

道光志案武定府志有李五姐注云全良妻嘉靖七年鳳朝文變被執
恥手爲賊執奪刀自殺似五姐即五娘而舊志漏載其夫姓氏也俟考

成乃貞妻李氏和曲人鳳賊之亂爲賊所執撞地死有司爲之立墓

康熙志

何天相妻高氏和曲人萬歷三十五年阿克之亂城破夫令同走避亂氏曰今日之事有死而已先投入井次幼女繼以身見者

無不慟之

雍正志

夏某妻趙氏和曲人夫失名阿克之亂城陷自縊死

康熙志

魏守恭妻胡氏祿勸人夫爲千戶遠出阿克之變城陷同二子望闕

叩首遂自縊

康熙志

張韜妻俞氏和曲人年二十六夫卒養姑守節四十年

雍正志

楊春霽妻辛氏和曲人性貞靜通經史年二十一夫卒守節集古今列女事作小囊佩之年八十五有疾卻藥不進日六十四年清白隨

夫子游地下矣含笑而卒

雍正志

居之敬妻趙氏元謀人吾必奎之亂城陷投井死

雍正志

楊鵬升妻李氏元謀人鵬升諸生也初吾必奎亂時強諸生張毓秀入其黨毓秀不從逃爲僧投沐天波軍爲嚮導破滅必奎天波欲屠元謀毓秀要說得免邑人德之已而必奎餘黨與毓秀仇殺邑人多爲毓秀者毓秀勢漸橫遂殺鵬升而奪其妻氏不從罵不絕口毓秀大怒斷其頭而去

華竹新編

清

楊元祐妻蔡氏祿勸人夫任趙州學正王自奇之叛夫被執氏攜子澤先匿孔廟龕下獲免已而夫感憤成疾卒氏護柩往姚州依舅氏甫抵姚值明桂王奔緬潰兵肆掠倉卒避難冒雪奔走墮崖如有舁而起順治十六年扶櫬歸葬教子成立臨終謂其子曰汝父知吾曉

大義以汝託吾今不負所託可含笑見汝父也卒年七十五州牧陳

渚爲銘其墓

農部
瑣錄

楊澤先妻謝氏山陰人即元祐妻蔡氏之媳也有志節能事其姑盜入室竊其衣笥氏前曰此吾姑笥鼠輩何敢奪抱護不舍賊牽其臂奪之氏怒曰賊污吾臂也持刀割所牽處肉血流滿地遂暈絕良久

始甦

農部
瑣錄

苟國賓妻簡氏祿勸人年二十九夫卒欲殉姑勸曰汝殉義死如四稚子及予兩人何乃止後罹兵燹流離困頓卒能孝養盡禮撫四子

成立守節五十年

武定
府志

李翹楚妻唐氏元謀人失其姓杉松郵卒某之妻也康熙五十七年正月常應運叛攻卓干進逼杉松時營卒皆離伍耕於山無禦之者

婦聞之曰此可計走也挾大鈔鳴於山巔若集大衆狀賊驚退婦乃走報其夫州城始爲之備得以無事知州李廷宰集州人共觴此婦爲設鼓吹勝簪披錦招搖過市以寵之

農部
墳錄

陳璿妻李氏和曲人年二十七夫卒事翁姑孝撫子子卒復撫孫守

節六十二年雍正九年旌

雍正
志

楊又清妻何氏元謀人年二十八夫卒泣血喪明撫四子成立守節

五十年雍正九年旌

雍正
志

楊有聲妻楊氏 妾翟氏元謀人夫卒二氏皆年少撫子成立雍正

十一年有司給額旌之

華竹
新編

錢溶妻何氏和曲人年二十八夫卒養姑孝撫子成立守節二十九

年乾隆元年旌

道光
志

李志道妻縻氏祿勸人年二十五夫卒家貧無夫族可倚氏矢志撫

幼子守節四十年

武定府志

施大恩妻徐氏祿勸人年二十八夫卒家貧紡績撫子守節五十餘

年知府給額旌之

祿勸州志

康蕃錫妻張氏

康靖妻景氏

康宏妻藍氏蕃錫元諸生歿時張

年甚少撫遺孤靖及庶出之孤宏均平如一後靖入太學例授州同知宏入邑庠宏亦早歿無子藍苦志守節靖止一子而哀其無後欲以己子爲之子慮妻景不可景曰兄弟一也即從之景事姑盡孝姑疾嘗割股救愈已而父病歸省亦如之家人豫聞鬼言孝婦將至皆避去云

華竹新編

楊玉楨妻徐氏府人夫卒守節乾隆十五年旌

吳國禧妻吳氏州人夫爲武舉氏年二十四夫卒撫子成立守節三十餘年

龍氏女州人墓在迎恩亭左墓石爲苔蘚所蝕僅存守備龍三字墓上出連理樹歷數十年陰茂枝繁傳有悼亡孤墓聞凶投水諸作蓋貞而才者也悼亡孤墓詩曰青青松柏樹芄芃多交花萍水逢知己相契如期牙所歎少見期咫尺動遠思春風一別後急雨折花枝生不探君疾死不見君屍屍已入泉臺長眠永不來憶昔同行處蒼蒼長莓苔意欲酬孤墓無能徒自知此恨何時了滄海起黃埃聞凶投水詩曰浩浩天地寬如許一鳥飄飄止無所倦投孤桐桐已枯饑就竹實實如土縱有瓊枝不忍棲恥見饑鳥啄腐鼠聊蜉蝣兮超塵埃何必留名垂千古

道光志案龍氏女兩詩似皆非哭夫之作其第一首題雲悼亡孤慕疑孤爲姑之壽姑者女子未嫁之稱或其姊妹行也第二首題云聞凶投水疑女幼爲龍守備所養非龍守備女而茲所聞者卽龍守備凶信也若指以爲其夫頗與詩中詞旨不類但女之事跡不可考不能臆斷云

段氏女州人許字昆明人未于歸壻卒誓不改字守節終身

范氏女州人許字龔士良未于歸士良游學浙江久無音耗士良父卒女聞訃奔喪孝養孀姑終身守貞

楊有富妻胡氏州人年二十三夫卒紡績養翁姑守節四十餘年

馬鳴遠妻楊氏州人年二十八夫病篤氏禱於天願以身代及卒誓死相從以有翁姑在而止翁姑卒廬於墓教子上達爲武生守節四十二年

馬聯陞妻畢氏州人年二十六夫以行伍出師四川陣亡氏孝事翁姑撫子成立守節三十二年

王應期妻趙氏州人年二十九夫卒養翁姑孝姑疾刲股救愈撫子成立守節五十一年

戴恆繼妻羅氏州人年二十三夫卒遺腹生子氏事祖姑及姑孝族人利其產涉訟三載終不能爭夫祀賴以不絕守節三十二年

楊琳妻趙氏州人事翁姑孝翁疾割股以進學使旌之

趙國用妻溫氏州人事翁姑孝姑疾割股以進竟愈

徐綜妻董氏州人年二十九夫卒撫子守節四十五年

張如錫妻李氏州人年二十六夫卒善事翁姑撫子成名守節二十

四年以上道光十三年旌

以上道光志

陳寶妻楊氏元謀人年二十四夫卒無子氏撫繼子成人守節三十

餘年

劉芳新妻楊氏元謀人事舅姑孝年二十六夫卒剪髮自誓撫子成名守節三十餘年

拜起龍妻安氏 拜殿傳妻趙氏元謀人年二十六夫卒養姑孝撫四子成名長子殿傳妻趙事姑亦孝姑性嚴急能委曲順之姑疾割股進之霍然而起

楊仁妻趙氏元謀人年二十四夫卒撫子成立娶姚氏甫生孫子卒姚年二十八堅志撫子趙守節五十八年姚守節四十年學使旌之李春發妻郭氏元謀夷婦也年二十六夫卒家貧能赤足傭工自給夫弟憐其苦勸改適氏怒詈之率二子耕鑿如故

楊澤暹妻朱氏元謀人年二十七夫卒無子撫姪爲嗣姪亡復撫一姪守節三十餘年

阿瓊母楊氏元謀人年二十五夫卒撫子守節六十七年

楊琮妻陽氏元謀人年二十四夫卒撫四子成名守節四十餘年

常天澤妻文氏元謀人年二十一夫卒養姑撫子守節五十四年

楊溶暹妻鮑氏元謀人夫爲諸生年二十夫卒撫子秉仁入庠守節

三十餘年學使給額旌之

李嗣昌妻段氏元謀人年二十八夫卒姑憐其寡調改適氏泣而自

誓撫子守節四十年

楊煥文妻鄒氏元謀人年二十八夫卒撫子守節三十年學使給額

旌之

陳經妻張氏元謀人夫爲諸生年二十九夫卒撫子成名守節五十

餘年

楊正中妻張氏元謀人年二十一夫卒取刃剖腹親屬急救免撫子成立終身守節

張秉元妻陸氏元謀人夫貢生氏年二十八夫卒撫子成立守節五
十三年學使給額旌之

張恢妻楊氏元謀人夫諸生即秉元妻陸氏孫也疾篤割股三次救
之不起氏卒以哀死

張維緯妻鄧氏元謀人年二十七夫卒撫二子成名守節三十餘年
拜宸輔妻廖氏元謀人年十九夫卒撫子成名縣令旌之

楊岫妻高氏元謀人年二十二夫卒赤貧無子撫姪爲嗣守節四十
餘年 以上華竹新編

李舒秀妻楊氏祿勸人夫卒子幼姑老患痿疾氏負以出入晨夕不

倦溺器亦親洗滌不假婢手疾篤呼天請代姑暈復甦曰神告我矣
吾命已盡爲我婦誠孝再延八年已而果然撫子成諸生守節五十
餘年

殷丕文妻郭氏 媳陳氏祿勸人郭年二十四夫卒撫二子成名守
節四十三年郭疾陳割股以進時兩稱之

李瀚妻施氏祿勸人年二十四夫歿有遺腹僅三月後生子接先而
姑復歿氏力舉雙櫬親扶入壙抱嬰兒廬於墓所親憐其少欲令改
適氏剪髮誓死教子成名守節三十餘年

楊壽多妻朱氏祿勸人夫諸生也年二十而寡兄勸之行朱曰吾欲
終事吾姑鄰婦謂之且誘之曰吾州無爲是行者夫人何自苦朱默
不應日夜侍姑側與鄰婦絕以完節稱乾隆三十四年旌祿勸之以

節受旌者自朱氏始

魯裔周妻毛氏祿勸人夫歿守志撫孤

謝大政妻張氏祿勸人少寡遺腹生二子苦志守節牧令表其門

陳德公妻楊氏祿勸人夫亡守志撫子瑞爲諸生

梅輔仁妻張氏祿勸人歸輔仁時其姑患痿疾臥榻已十二年張割股和羹以進姑竟愈俄而輔仁疾篤張禱於神割股如初亦瘳後姑竟享大年子德盛鄉人舉爲鄉三老

董偉媳吳氏祿勸人割股救夫

王秀安妻飛氏祿勸人秀安諸生氏嘗割股救姑 以上農部瑣錄

楊士進妻姚氏元謀人年二十八夫歿事七旬姑周氏至孝撫二幼子槐渠皆爲諸生守節終身

李正舒妻楊氏元謀人年二十七夫歿遺孤謙尙幼家貧氏以紡績
以事舅姑謙死復撫孫成立人欽其苦節

楊連枝妻姜氏元謀人年二十五夫歿茹荼教子守節三十五年

阮瓏妻思氏元謀人于歸半載夫故已有遺腹以死自誓其父勸之
乃忍痛治家子既長日治女紅課讀後克成立守節終身

朱鶴年妻王氏元謀人年二十六夫卒養姑撫子守節三十二年嘉
慶二十五年旌

馬習妻楊氏祿勸人夫庠生氏年十八夫卒孝事翁姑撫子成名守
節四十六年

吳文魁妻馬氏祿勸人年十五適文魁善事夫撫伯兄三子成名受
室夫病篤氏割股和藥以進果瘳是夕夢神告曰汝能撫孤療夫意

出於誠應有子晚年連舉二子

耿恕妻張氏祿勸人年二十六夫卒孝事孀孤撫子成名守節五十年

常守嗣妻安氏本夷人也法戛用兵守嗣率土練五百人効力參將南天章上其功使入籍祿勸遂讀書爲諸生守嗣卒氏年二十二撫遺腹子發科亦入庠令夷民變火葬爲棺葬至今遵之

史可誦妻馬氏祿勸人可誦諸生卒時氏年二十五伯叔以其年少欲奪其志氏誓死不移撫孤子註舜成立守節五十三年

時元春妻朱氏 時雨妻陳氏祿勸人元春諸生也朱性至孝姑有羸疾親滌穢器不以爲嫌久而彌篤及姑病革語之曰吾延殘喘九十有三賴汝扶持之力居多願爾媳亦如之後子雨娶陳氏年二十